

南安东门谢氏族谱

南安東門謝

氏族譜

戊辰嘉平之月

宗姪孫俊英拜題

南安東門謝氏

族譜

戊辰嘉平之月

宗姪孫俊英拜題

汰山東門謝氏族譜總目 首卷

舊譜序 譜跋 舊譜說 肯肯居序 后庫祠約字 公訂條規

肯肯居前後賦 紫山廟圖誌 續修譜序 譜例 族訓

世系源流考 世系圖說 世系圖 字行攷 仕宦錄 祝文

聯文 建設誌 公山 公地 公田 業產 契據 患難事畧 附卷文

捐冊序 捐款芳名 董事記 遺傳 事畧

卷一

遺像 里居誌 東門全鄉圖 歷代墓圖

卷二 卷三 卷四 卷五 卷六

一世至十世

十一世至十二世

十三世

十四世

東房及西長二

十四世

西房三

卷七

卷八

卷九

卷十

卷十一

十五世

東房及西長二

十五世

西房三

十六世

東房及西長二

十六世

西房三

十七世

東房及西長二

卷十二

卷十三

卷十四

卷十五

十七世

西房三

十八世

東房及西長二

十八世

西房三

十九世

二十世二十一世

補遺

東門謝氏族譜舊序

吾聞唐季所稱八大家而謝氏居一粵稽御史大夫瑫公服官于閩四傳至曾孫微公仕宋為金紫光祿大夫寵遇恩渥賜第清源而謝氏於泉始盛其自晉入南肇於東門蓮花者為邦基公支分派衍似續寢昌然滄桑變幻譜缺有間矣為問若圖若引猶有存焉者乎曰無有

也為昭為穆猶有辨焉者乎曰無有也無有則
世系親疎源流真正莫可究極此六有志修明
之所無如何者也獨是事有可為者有不可為
者既已遭散佚無可攷據必欲強為附會以實
之則鑿矣故詩存南陔由庚而無其文記列魯
鼓薛鼓而無其辭麟經經素王之筆六紀夏五
郭公史遷千古良才亦不敢道黃帝以前事謂

是信傳信疑傳疑體則然耳矧以宗支之遙淪
落之久豈能曲為臆測此其不可為者也若夫
周游攷定留心蒐訪或得之名山之收藏或遇
之故老之傳聞庶幾正偽補亡猶可以歸根而
得旨此其可為者也使不有志修明則數十
年之沒其遺存者又將付之不可知之數一氣
分為路人古人之浩歎夫豈欺我哉故曰不可

為者聽之天所可為者不可不盡之人也謝子
維耿余及門也未弱冠自山僻抵城問字於予
者五載彬彬儒雅育秀成均蜚聲遠播後余司
鐸霞丹之平邑維耿不入城市者數載丁酉秋
余乘閑事竣抵家維耿來謁具述數年惟以倡
修宗祏為亟且以搜葺家乘為務今幸告成願
求教正余輟然色喜曰書云君陳令德孝恭克施

有政子蓋豈為政於家者乎曰為檢校所編圖
系井、有條自邦基公而下子榮公而上苦於
無稽者則疑而闕之自佛奴至近代有可徵者
則詳載而條列之以及生卒娶葬冠婚喪祭等
事無不細密而周至蓋羅耿之於是譜心為良
苦每從敗簾片帑隻字時、徵於他譜以為印
合尤以雖無老成人尚有典型不憚旁蒐博訪

以冀譜之成是誠有志修明不替金紫之傳也尊祖
敬宗之義欲是乎昭敦倫睦族之念於是乎明承先
裕後之基於是乎備異日文章事業以為改於家者
為改於國立愛立敬修宗法而重合族一道同風于
以無負

聖世鼓吹休明者不於維耿有厚望哉是為序

省

康熙丁酉歲季秋鄉進士文林郎署丹霞漳平司教
年家兄弟陳脩頓首拜撰

清歲進士敕授儒林郎中書科中書銜前代
理四川金堂縣知事泉州禁烟檢查所長
興泉永禁煙處長晉江宗姪孫謝俊英
頓首拜書

跋

吾友耿翁留心譜牒于子姓蕃衍之中世遠人遙之下不避艱
難委折起而修明之尋流溯源闕疑傳信纂成編次真可謂族
之功臣祖之慈孫矣 尊師陳來夫先生為九閩名魁閱是譜
而樂為之序蓋甚大吾子之功而深知吾子之心殊苦也獨怪
夫名族之蕃昌有可以同源而未有可以同心者乃印心人固
從天地君親中而得之抑又何也至於斯文之妙直兼腐史髯
蘇而出之又無庸贅焉

年家眷會弟雲山郭南金謹跋

東門謝氏舊族譜序

余家武榮汰山世稱東門謝氏以遷自桐城之東不沒所自也
年代已久海田幾變其始遷之字鞠為茂草而譜牒亦復蕩然
無有存者歲在康熙癸丑間有毅然開創之人方喜堂構粗就
不意遭亂弛擔悠悠歲月誰襄厥事余生也晚每從攤書之餘
念及風雨飄搖未嘗不歎歎太息也已卯之夏竊不自揣思欲
易向改觀爰謀及叔道詩叔素意氣自豪者遂欣然引道淵世
元等與為同任碎唇敝舌鳩金土竣厥事地傳為出水蓮花凋

殘幾許忽爾生新母亦蓮花座上之靈乎廟貌既修由是可次
及庀譜矣然而眾亦勞止沆可少休余因有志而未之逮越辛
卯值本房里胥督賦幸逢 恩赦計入已之役租足酬畢生之
素志于焉公爾忘私家喻戶曉不自知其切於譜也雖然猶有
難者慨自世遠人湮鼻祖耳孫相去懸殊若圖若引不殄於兵
則燬于火援據無真徒欲以一二父老之傳聞聾後人之耳目
則雖天秩天叙自我能成究非所以聯一本敦九族之至意也
庸詎知支分派別猶有可尋星宿源流有從槎測者憶余於已

自遠以為皇祖之慈孫也其亦皇祖之罪人歟是為序

省

清康熙五十二年歲次癸巳十一月冬至 裔孫觀光謹撰